

VENDIMI ËSHTË I PLOTËFUNDISHËM
ODLUKA JE PRAVNOSNA
GJYKATA THEMELORE / OSNOVNI SUD
FERIZAJ I UROŠEVAC

Më
Dana 05 - 04 - 2018

NË EMËR TË POPULLIT



**GJYKATA THEMELORE NË FERIZAJ-Departamenti i Përgjithshëm-
Divizioni Penal-** në përbërje prej gjyqtarit individual Elmaz Zenuni, me Zyr.ligjor Gazmend Bytyqi, në çështjen penale kundër të pandehurit [REDACTED] nga fshati [REDACTED] Komuna e Ferizajt, i akuzuar sipas aktakuzës së Prokurorisë Themelore në Ferizaj PP/II nr. 1793-3/2017 të datës 13.09.2017, për shkak të veprës penale vjedhja e pyllit nga neni 358 par.1 të KPRK-së, duke vendosur lidhur me Kërkesën e Prokurorisë Themelore në Ferizaj PP/II nr. 1793-3/2017 të datës 13.09.2017 për dhënjen e Urdhërit Ndëshkimor, më datën 19.03.2018 mori:

AKTGJYKIM

PRANOHET Kërkesa e Prokurorisë Themelore në Ferizaj PP/II nr. 1793-3/2017 të datës 13.09.2017, gjykata jep:

URDHËR NDËSHKIMOR

I pandehuri, [REDACTED] nga fshati [REDACTED] Komuna e Ferizajt, i lindur më [REDACTED] në të njëjtin vend, nga babai [REDACTED], shtetas i Republikës së Kosovës.

ËSHTË FAJTORE

Sepse më datën 20.08.2017 rreth ores 15:30 në pyllin publik në vendin e quajtur "Te Shtalla Quki i Dardhës" në Rajonin e Ekonomisë Pyjore, Nerodime – Jezerc i pandehuri është takuar duke prerë 3 (tre) copë trugu-dru të ahut të njom, boniteti III, me diameter 25-42 cm, me vëllim të përgjithshëm 2.06 metra kub, të cilat i ka prerë me sharrë motorike në vlerën e dëmit të shkaktuar prej 278.10 euro,

Me të cilën ka kryer veprën penale vjedhja e pyllit nga neni 358 par.1 të KPRK-së.

Andaj, gjykata në bazë të neneve 4, 7, 17, 41, 43, 46 dhe 73 të KPRK-së dhe neneve 365 e 495 të KPPRK-së të pandehurin gjykata e:

GJYKON

DENIM ME GJOBË në lartësi prej 200 euro (me shkronja dyqind euro) i cili denim ekzekutohet në afat prej 15 dite nga dita kur aktgjykimi merr formën e prerë.

Nëse dënimi me gjobë nuk mund të ekzekutohet në format tjera sipas nenit 46 par.3 të KPRK-së, i njëjti do t'i shndërrohet në dënim me burg ashtu që për çdo 20 Euro, do t'i llogaritet nga një (1) ditë burg.

Obligohet i pandehuri që në emër të kërkesës pasuroro-juridike të dëmtuarës DBPZHR-zyra në Ferizaj të i kopmensoj dëmin e shkaktuar të dispozitivit të këtij aktgjykimi në shumën prej 278.10 Euro (me shkronja: dyqind e shtatëdhjetë e tetë euro e dhjetë cent) në afat prej 15 dite nga dita kur ky aktgjykim të merr formën e prerë nën kërcënim të ekzekutimit me detyrim.

I pandehuri obligohet që në emër të paushallit gjyqësor të paguaj shumën prej 20 €, në afatin prej 15 ditëve nga dita kur aktgjykimi të merr formën e prerë, nën kërcënim të përmbarrimit me dhunë.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarrimit të dhunshëm.

ARSYETIM

Prokuroria Themelore në Ferizaj me akuzën e vetë PP/II nr. 1793-3/17 të datës 13.09.2017, ka akuzuar të akuzuarin [REDAKTUAR] nga fshati [REDAKTUAR] Komuna e Ferizajt , për shkak të veprës penale vjedhja e pyllit nga neni 358 par.1 të KPRK-së, e njëjtu, ka ushtruar Kërkesë për dhënjën e Urdhërit Ndëshkimor PP/II nr. 1793-3/2017 të datës 13.09.2017 dhe ka theksuar se ka arsyetim dhe ka prova të besueshme nga Kallëzimi penal që e vërtetojnë kryerjen e kësaj vepre penale nga i pandehuri.

PTH në Ferizaj me shkresën e vet-Aktpërcjellësin PP/II nr. 1793-3/2017 të datës 19.03.2018 aktakuzën e PTH-së në Ferizaj PP/II nr. 1793-3/2017 të datës 13.09.2017, e ka korrigjuar, ashtu që emrin e të pandehurit nga [REDAKTUAR] e ka përmirësuar në [REDAKTUAR]

Gjykata me rastin e shqyrtimit paraprak të aktakuzës dhe Kërkesës për dhënjën e Urdhërit Ndëshkimor, gjeti se janë plotësuar kushtet ligjore për dhënjën e Urdhërit Ndëshkimor në kuptim të nenit 493 par.1 të KPPRK-së.

Gjykata, duke vlerësuar Fletëparaqitjen e Rojës së Pyllit të DBPZHR-APK-Zyra në Ferizaj 509/2017 e dates 22.08.2017, si dhe Procesverbali nga Komisioni i Ekspertëve për vlerësimin e dëmit DBPZHR-Zyra në Ferizaj me numër të njëjtë 77/2017 dt.21.08.2017 të cilat gjinden në shkresat e lëndës vërtetoi pa mëdyshje se i pandehuri ka kryer veprën penale vjedhja e pyllit nga neni 358 par.1 të KPRK-së .

Andaj, gjykata të njëjtin e shpalli fajtor dhe konform nenit 495 të KPPRK-së, i shqiptoi dënimin me gjobë të përshkruar si në dispozitiv të këtij aktgjykimi.

Prandaj, duke u mbështetur në nenin 498 të KPPRK-së , gjykata i shqiptoi të pandehurit denimin me gjobë, pasi që gjykata vlerësoi shkresat e lëndës dhe konstatoi se ekzistojnë prova të besueshme se i pandehuri e ka kryer veprën penale për të cilën akuzohet dhe me aktgjykim me Urdhër ndëshkimor e ka shpallur fajtor dhe e ka denuar me denim sipas ligit.

Në bazë të nenit 458-460 të KPPRK-së, i pandehuri në emër të kërkesës pasuroro-juridike për kompensimin e dëmit të dëmtuarës Drejtoria për Bujqësi, pylltari-Zyra në Ferizaj obligohet që të ia kompensoj dëmin e shkaktuar në lartësi prej 278.10.00 euro.

Konform nenit 450-451 të KPPRK-së, i pandehuri është i obliguar që në emër të paushallit gjyqësor të paguaj shumën prej 20 €, në afatin prej 15 ditëve nga dita kur aktgjykimi të merr formën e prerë, nën kërcënim të përmbarimit me dhunë.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarimit të dhunshëm.

Nga arsyet e lartëshenura u vendos si në dispozitiv të këtij aktgjykimi.

GJYKATA THEMELORE NË FERIZAJ

P nr.2286/17, datë 19.03.2018

Zyr.ligjor

Gazmend Bytyqi



Këshilla juridike:

Kundër këtij aktgjykimi mund të ushtrohet Kundërshtim në afat prej 8 dite nga dita e pranimin të kopjes me shkrim të këtij aktgjykimi, Gjykatës Themelore në Ferizaj.

Ndërkaq, pas plotfuqishmërisë së këtij aktgjykimi nga një kopje u dërgohet PTH-së dhe të dëmtuarit.